

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 14. stav (1) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije BiH“, broj: 106/14 i 27/19), na prijedlog Ministarstva finansija, Vlada Zeničko-dobojskog kantona, na 37. sjednici, održanoj dana 27.12.2019. godine, d o n o s i

RJEŠENJE

o imenovanju Komisije za program javnih investicija Zeničko-dobojskog kantona

I.

Imenuje se Komisija za Program javnih investicija Zeničko-dobojskog kantona (u daljnjem tekstu: Komisija), u sljedećem sastavu:

1. Nada Delibašić, pomoćnica ministra Ministarstva finansija, predsjednik Komisije,
2. Ljiljana Anđelić, sekretar Ministarstva za privredu, zamjenik predsjednika Komisije,
3. Rasim Kovač, pomoćnik ministra za prometne komunikacije u Ministarstvu za prostorno uređenje, promet i komunikacije i zaštitu okoline, član Komisije,
4. Senada Dizdar, pomoćnica ministra u Ministarstvu za poljoprivredu, šumarstvo i vodoprivredu, član Komisije,
5. Ankica Radić, pomoćnica ministra u Ministarstvu zdravstva, član Komisije,
6. Djenana Čolaković, sekretar Stručne službe za razvoj i međunarodne projekte (stručnjak iz oblasti analize i ocjene investicija), član Komisije i
7. Amra Babić, član Predsjedništva Skupštine Saveza općina i gradova Federacije BiH, član Komisije (prijedlog Saveza općina i gradova F BiH).

Za sekretara Komisije imenuje se Adis Čehić, sekretar Ministarstva finansija.

II.

Komisija se imenuje na period od četiri godine.

III.

Zadaci Komisije iz tačke 1. ovog rješenja su:

- a) analiza i ocjenjivanje projekata u skladu sa Kriterijima i principima za ocjenjivanje projekata kandidiranih za PJI iz Obrasca za ocjenu prijedloga projekta,
- b) razmatranje izvještaja Nadležnog kantonalnog organa o utrošku sredstava kojima se financiraju projekti čija je realizacija u toku,
- c) razmatranje izvještaja implementatora za upravljanje projektom iz člana 15. stav (5) i (6) Uredbe o projektima čija je realizacija u toku i o projektima završenim u tekućoj godini,
- d) predlaganje mjera za unapređenje planiranja javnih investicija i mjera za povećanje efikasnosti realizacije investicija i
- e) obavljanje drugih poslova od značaja za pripremu PJI Kantona i koordinaciju sredstava za razvoj u Kantonu.

IV.

Stručne i administrativne poslove za Komisiju obavlja Ministarstvo finansija.

Način rada i ostala pitanja od značaja za obavljanje poslova iz djelokruga rada Komisije uređuju se Poslovníkom o radu.

Komisija izvještava Vladu Kantona o svom radu polugodišnje. Za učešće u radu Komisije,

predsjedniku, zamjeniku predsjednika, članovima i sekretaru Komisije iz tačke I. ovog rješenja pripada naknada čiju visina će utvrditi ministar Ministarstva finansija posebnim rješenjem.

V.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirza Ganić

Broj: 02-34-18784/19

Datum, 27.12.2019. godine

Z e n i c a

DOSTAVLJENO:

1x Ministarstvo finansija,

1x Imenovani, putem ministarstva,

1x “Službene novine Zeničko-dobojskog kantona”,

1x a/a.